

Supervizor Gregorian donosi izmjene Statuta Brčko Distrikta i novi Izborni zakon Distrikta i Poslovnik o radu Skupštine Distrikta



Supervizor za Brčko dr Raffi Gregorian izdao je danas [Nalog supervizora](#) kojim su izvršene izmjene Statuta Brčko Distrikta u cilju poboljšanja učinkovitosti i funkcionalnosti Skupštine Brčko Distrikta, sa posebnim naglaskom na podsticanje međuetničke suradnje. Istim nalogom, supervizor je također donio novi Poslovnik o radu Skupštine Distrikta kao i novi Izborni zakon Brčko Distrikta koji je usklađen sa Statutom i nedavno izmjenjenim Izbornim zakonom BiH. Mjerama koje su danas donesene koriguje se pravni okvir Skupštine koji je prvobitno izrađen za imenovani organ u onaj koji je odgovarajući za izabrani organ koji će moći da učinkovito funkcionira nakon supervizije. Kao takve, one su dopuna mjera koje su poduzete u veljači 2007. godine da bi se poboljšala funkcionalnost Vlade.

Izmjenjenim Statutom uspostavlja se mehanizam kojim se sprečava preglasavanje nekog konstitutivnog naroda u Skupštini, uspostavlja efikasniji sustav glasovanja u Skupštini i predviđa zastupljenost nacionalnih manjina tako što se uvode još dva zastupnička mjesta u Skupštini.

Afirmativni glas najmanje jedne trećine zastupnika svakog konstitutivnog naroda koji su nazočni i glasuju bit će neophodan za odluke o pojedinim konkretnim pitanjima kako bi se spriječilo preglasavanje konstitutivnog naroda u Skupštini. Ova pitanja su nabrojana u Statutu i uključuju pitanja

religije, kulture, obrazovanja, jezika, proračuna, prostornog planiranja, nacionalnih praznika i spomenika.

Da bi se promoviralo efikasnije donošenje odluka, od sada će se glasovanje o mnogim pitanjima određivati na osnovu broja zastupnika koji su nazočni i glasuju, s tim da samo opravdano odsustvo sa sjednice može odgoditi donošenje odluka o pitanjima koja su predmet zaštite od preglasavanja. Ove odredbe će potaknuti zastupnike da nazoče sjednicama i da mogućnost blokade izostajanjem ili nepravilnim korištenjem uzdržanih glasova u donošenju odluka svedu na najmanju moguću mjeru.

Mjere koje su danas uvedene su se razmatrale od uvođenja mjera za reformu Vlade prošle godine. Supervizor i njegovo osoblje su pažljivo analizirali i razmatrali sve moguće opcije na osnovu konzultacija sa predsjednikom Skupštine, dopredsjednikom Skupštine, šefovima zastupničkih klubova u Skupštini kao i sa gradonačelnikom i dogradonačelnikom. Pošto je postignut opći konsenzus u svezi sa potrebom za ovakvim djelovanjem, supervizor je odlučio da sada poduzme radnje kako bi osigurao da bude uvedeno sveobuhvatno rješenje do zvaničnog raspisivanja izbora, 8. maja, kako bi kandidatima bile potpuno jasne uloge i odgovornosti koje bi imali ukoliko budu izabrani u Skupštinu u listopadu. On je također želio dati što više vremena predstavnicima nacionalnih manjina da se organiziraju za kandidiranje za dva nova zastupnička mjesta u Skupštini.

Supervizorovu izjavu možete naći na

https://www.ohr.int/ohr-dept/presso/pressb/default.asp?content_id=41655

Video snimak izjave možete naći na

https://www.ohr.int/audio-video/video/2008_may_06-pdhr-prevod.wmv